

事不相同

契道

蕭疎竹影拂蒼苔
枝幹天然雲外栽
大道渾如形色類
靜中自得慧心開

詠梅

梅花一度一回開
活色生香自昔來
總是本來真
向日年年不改舊根荄

卽事

三更燈火五更香
相伴幽人禮玉皇
靜裏尋真真
要靜心從忘處至忘忘

道藏輯要

呂帝詩集

五

室集七
二〇二

無題

個中難覓一知音
夜靜空教四壁清
鶴步有聲誰聽得
徒生兩耳欠聰明

仲春

萬葩開發仲春時
高臥窗前日已遲
性水澄清心月現
蘄湯原是藕花池

仙術

瓢盛明月口吞天
袖有驪龍吸紫烟
喚醒崑崙憨睡虎
教他蓮座聽新禪

秋過在園

水雲遊遍乾坤小
花落花開人易老
閒來飛過洞庭秋
鐵笛一聲天澹掃

示人二首

空空洞洞說元辰
妙理難徵證後文
春色滿園關不住
梅花幾點更精神

笑倒巫山一片雲
晚來十二翠峯青
半岩嵐氣侵衣袖
滿徑山花又曉行

示得虛

道在目前何用疑
仙花有路不躑蹰
明明說個黃中理
正是無生一曲奇

道藏輯要

呂帝詩集

三

室集七
1161

示人三首

天機奧妙卻難云
不是紅塵不是雲
竟是梵天燒大火
奇花異草逐時薰

養氣安神是秘訣
滄唾精津不用求
若識無中真造化
靈泉一滴斷千流

太平景象說元宗
萬紫千紅一脉通
古剎寒山誰易到
蒲團靜底達雲踪

夕話

香烟直透洞中春
靜守柴扉鶴伴雲
無事特來閒夕話
松風明月共知音